

IZVEDBENI PLAN I PROGRAM ZA REALIZACIJU ŠKOLE U PRIRODI U ŠKOLSKOJ 2025/2026. GODINI

U školskoj 2025/26. godini realizovati će se Škola u prirodi za učenike IV razreda u skladu sa Godišnjim programom rada škole u periodu prva trećina mjeseca juna 2026. godine (od 01.06.2026.godine do 11.06.2026.godine). Predviđeno je da se Škola u prirodi za učenike četvrtih razreda realizuje na Vlašiću prema slijedećem planu i programu:

SARAJEVO- TRAVNIK – VLAŠIĆ

PRVI DAN

Polazak u 08:00h kod škole. Posjeta Travniku (Plava voda, kuća Ive Andrića, Jeni i Šarena džamija). Dolazak i smještaj u hotel do 14:00h. Ručak. Aktivnosti Škole u prirodi vezano za nastavu. Večera. Zabava za učenike (disco)

DRUGI DAN

Doručak. Obilazak i upoznavanje sa planinom Vlašić (pješačka tura do Eko Fis Vlašić, posjeta ZOO vrtu u Eko Fis, obilazak skijališta, skakaonice). Ručak Slobodno vrijeme ili aktivnosti po rasporedu Škole. Večera. Disko zabava ili Kino night

TREĆI DAN

Doručak. Odjava iz hotela. Posjeta proizvodnom pogonu–proizvodnja sira–mlijeka – uzgoj Vlašić. Posjeta parku Ravne u Visokom. Povratak u Sarajevo u popodnevrim satima..

a) ODGOJNO-OBRAZOVNI CILJEVI I

ZADACI PUTOVANJA

Opći ciljevi

Odgojni ciljevi

- Sticanje vrlina i pozitivnih navika,
- Fizički i psihički razvoj učenika
- Formiranje pozitivnih pogleda na svijet
- Učenje samostalnom učenju, radu i životu uopće.
- Razvijanje valjanih moralnih shvatanja i usvajanje kulturnog ponašanja, koji prvenstveno utiču na voljnu aktivnost učenika, snaže je vrlinama i usmjeravaju prema društveno-korisnim djelatnostima i plemenitom postupanju.
- Neposredno zapažanje i potpuno doživljavanje stvarnosti u cilju sticanja dubljih i trajnijih znanja i ublažavanja negativne posljedice verbalističke i udžbeničke nastave.

Obrazovni ciljevi

- Obrazovni ciljevi se ostvaruju usvajanjem svih onih sadržaja Škole u prirodi, koji zahtjevaju izučavanje, razumijevanje i pamćenje , a odnose se na sticanje znanja pomoću raznih metoda i podsticanja slobodnih aktivnosti učenika. (Sticanje znanja i vještina iz više nastavnih oblasti kao što su moja okolina, likovna kultura, tjelesni i zdravstveni odgoj i drugi nastavni predmeti čija je primjena moguća realizacijom studijskog putovanja, kroz boravak u prirodi, posjete geografskim, historijskim, književnim i kulturno-umjetničkim znamenitostima.

Posebni, odnosno specifični ciljevi

- Usvajanje dijela nastavnog plana i programa kroz:
- neposredno upoznavanje sa pojavama i odnosima u prirodi i društvenoj sredini
- upoznavanje sa prirodno-geografskim obilježjima i historijskim znamenitostima
- sticanje znanja o kulturnom naslijeđu, obrazovnim i privrednim dostignućima
- posjeta spomenicima sulture
- rekreativno-zdravstveni i socio-psihološki razvoj učenika

Zadaci Škole u prirodi

- Predstavljaju konkretizaciju ciljeva, koji se ostvaruju realizacijom sadržaja Izvedbenog plana i programa Škole u prirodi

Opći zadaci

- Materijalni (sticanje znanja, vještina i navika)
- Odgojni (svestrani odgoj)
- Formalni (fizički i psihički razvoj)

Specifični zadaci

- Proučavanje objekata i fenomena u prirodi
- Razvijanje interesovanja za prirodu i izgrađivanje ekoloških navika
- Upoznavanje načina života i rada stanovnika pojedinih krajeva
- Razvijanje pozitivnog odnosa prema:
 - nacionalnim vrijednostima
 - kulturnim i estetskim vrijednostima
 - sportskim potrebama i navikama
 - pozitivnim socijalnim odnosima
 - shvatanju značaja zdravlja i zdravog stila života
 - kulturno-historijskom naslijeđu
- Podsticanje i ispoljavanje pozitivnih emocionalnih doživljaja
- Osposobljavanje učenika za ostvarivanje osnovnih ljudskih potreba izvan porodice i
- Poznavanje sa novim tehničkim i tehnološkim dostignućima iz oblasti struke, koja se izučava u školi

b) SADRŽAJI, METODE I SREDSTVA OSTVARIVANJA CILJEVA ŠKOLE U PRIRODI

- Posjeta geografskim, historijskim, književnim i kulturno-umjetničkim znamenitostima
- Sredstva za finansiranje učešća učenika, koja podrazumijevaju sve troškove neophodne za učešće u realizacije Škole u prirodi za učenike četvrtih razreda izuzev eventualnog džeparca obezbjeđuje škola iz budžetskih sredstava. . Roditelji učenika snose eventualne troškove koji podrazumijevaju naknadu štete prouzrokovane nemarnim ponašanjem učenika

c) NOSIOCI PREDVIĐENIH SADRŽAJA I AKTIVNOSTI EKSKURZIJE

Školski odbor

- Upoznavanje sa Izvedbenim planom i programom Škole u prirodi
- Imenovanje Komisije za provođenje postupka javne nabavke i procedure izbora najpovoljnije Agencije
(na prijedlog direktora škole)
- Upoznavanje sa programom i općim uslovima putovanja

Direktor škole

- Koordiniranje u svim aktivnostima koje spadaju u nadležnost škole, u svojstvu nosioca aktivnosti
- Predlaganje vođe putovanja
- Prezentiranje Izvedbenog plana i programa Škole u prirodi Školskom odboru radi upoznavanja
- Osiguravanje svih sadržaja i uslova za odabir agencije, provođenje postupka JN (agencija navodi sve sadržaje koji će se realizovati)
- Obaveza ugovaranja bezbjedonosnih aspekata pri Škole u prirodi (obezbjeđenje potrebnih uslova za udobno i bezbjedno putovanje, smještaj, prehranu i boravak učenika u toku realizacije)
- Zaključivanje Ugovora sa agencijom-najboljim ponuđačem
- Organizovanje konsultacija prije izvođenja putovanja, što podrazumijeva uključenost svih zainteresovanih subjekata u procesu odlučivanja i planiranja
- Obaveza informisanja Ministarstva obrazovanja i nauke Kantona Sarajevo o realizaciji Škole u prirodi

Nastavničko vijeće

- Usvajanje Izvedbenog plana i programa Škole u prirodi
- Imenovanje vođe putovanja
- Određivanje jednog pratioca iz reda zaposlenika škole na svakih 15 učenika
- Donošenje Odluke koja se odnosi na Izvještaj o realizaciji Škole u prirodi

Odjeljsko vijeće

- Predlaganje Izvedbenog plana i programa realizacije Škole u prirodi
- Koordiniranje aktivnosti, koje su u domenu rada Odjeljskog vijeća, po nalogu direktora škole

Razrednici

- Pravovremeno upoznavanje roditelja sa organizacijom Škole u prirodi
- Pribavljanje pismene saglasnosti roditelja
- Upoznavanje učenika i roditelja o društveno-prihvatljivim pravilima ponašanja (Etički kodeks ponašanja)
- Obaveza prikupljanja izjava roditelja o prihvatanju nadoknade troškova i eventualno prouzrokovane štete, koje prouzrokuje učenik (njihovo dijete)

Vođa puta

- Aktivno učešće u planiranju, organizaciji i realizaciji Škole u prirodi
- Ostvarivanje Izvedbenog plana i programa Škole u prirodi
- Preduzimanje neophodnih aktivnosti u smislu osiguranja bezbjedonosnih aspekata realizacije Škole u prirodi
- Priprema Izvještaja o realizaciji Škole u prirodi

Roditelji učenika

- Pravovremeno upoznavanje sa realizacijom Škole u prirodi
- Davanje saglasnosti za učešće učenika u realizaciji Škole u prirodi
- Davanje izjave o eventualnoj nadoknadi štete prouzrokovane nemarom učenika
- Učešće u radu Komisije za odabir agencije-najpovoljnijeg ponuđača preko Vijeća roditelja
- Upoznavanje sa Izvedbenim planom i programom Škole u prirodi
- Upoznavanje sa etičkim kodeksom ponašanja učenika, na roditeljskim sastancima

Učenici

- Učešće Vijeća učenika u predlaganju sadržaja i aktivnosti za tekst Izvedbenog plana i programa Škole u prirodi
- Plansko upoznavanje sa Etičkim kodeksom ponašanja učenika tokom Škole u prirodi na časovima odjeljenske zajednice
- Upoznavanje sa pravilima sigurnosti i zaštite od socijalno neprihvatljivih oblika ponašanja (diskriminacije, svih oblika nasilja sa posebnim osvrtom na vršnjačko nasilje)
- Zabrana odlaska učenika na neprikladna mjesta

Agencija

- Osiguranje pretpostavki za realizaciju Izvedbenog plana i programa Škole u prirodi
- Osiguranje visokog kvaliteta usluga prijevoza, smještaja, boravka, ishrane, te drugih usluga u sklopu turističkog aranžmana
- Osiguranje bezbjedonosnih aspekata realizacije eŠkole u prirodi
- Poštivanje svih odredbi Ugovora zaključenog sa školom

d) PLANIRANI OBUHVAT UČENIKA

- Svi učenici trenutnih IV razreda (31 učenik).

e) DUŽINA TRAJANJA

- Planiramo realizovati Školu u prirodi za za učenike IV razreda razreda, koja će se realizovati u okviru tri nastavna dana (dva puna pansiona).

Škola u prirodi će se realizovati na teritoriji Bosne i Hercegovien ili u objektu koji je vlasništvo Bosne i Hercegovine u Hrvatskoj.

- Škola u prirodi će se realizovati u mjesecu junu 2026. godine

g) OPIS PRIJEVOZA, UGOSTITELJSKIH I DRUGIH USLUGA

- Pri realizaciji putovanja moraju se koristiti autobusi koji nisu stariji od 12 godina, tehnički ispravni i pregledani (redovni tehnički pregledi u posljednjih šest mjeseci i tehnički pregled obavljen, ne ranije od pet dana, o čemu Agencija dostavlja pisane dokaze), uz uslov da njima upravljaju lica, koja ispunjavaju zahtjeve u pogledu profesionalne obučenosti i kompetentnosti, uz obavezu Agencije da školi dostavi pisane dokaze o njihovoj psihofizičkoj sposobnosti za upravljanje autobusom (tahografske trake za prethodna dva dana)
- Agencija može da koristi vlastita prijevozna sredstva ili prijevozna sredstva u vlasništvu drugih pravnih i fizičkih lica koja su registrovana za obavljanje djelatnosti prijevoza putnika u kojima su putnici i prtljag osigurani
- Agencija i škola su obavezne da osiguraju potreban broj sjedišta u autobusu ili putničkom motornom vozilu
- U cilju sigurnog boravka učenika, agencija može da koristi samo one smještajne i ugostiteljske objekte, koji zadovoljavaju određene standarde u smislu kvaliteta usluga smještaja, prehrane i posluživanja napitaka, sa posebnim osvrtom na visok kvalitet ispunjenosti sanitarno-higijenskih i zdravstvenih zahtjeva u pogledu pripremanja hrane i napitaka i smještajnih sadržaja, o čemu je agencija obavezna dostaviti pismene dokaze.
- Agencija je obavezna da osigura postupanje odgovornih lica u smještajnim i u ugostiteljskim objektima u smislu zabrane posluživanja alkoholnih pića i drugih opijata učesnicima, te posjete sobama drugih lica koja se ne nalaze na spisku učesnika Škole u prirodi

h) ODREDBE O UPRAVLJANJU RIZICIMA REALIZACIJE

- Obaveza škole je da osigura zaštitu najvažnijih interesa učenika, da vodi brigu usmjerenu ka očuvanju njegovog fizičkog i mentalnog zdravlja te bezbjednosti, kroz preduzimanje sigurnosnih mjera i upravljanje rizicima u postupku organizacije i realizacije Škole u prirodi
- Poduzimanje sigurnosnih mjera i upravljanje rizicima u postupku realizacije Škole u prirodi
- Škola je obavezna preventivno postupati preduzimanjem niza sigurnosnih mjera kako bi povećan rizik, kao bitna karakteristika realizacije Škole u prirodi, bio sveden na razumnu mjeru, odnosno minimum.
- Realizacija niza planskih aktivnosti usmjerenih na povećanje sigurnosti svih sudionika uključenih u realizaciji ekskurzije kao što su:
 - pravovremeno upoznavanje roditelja učenika sa planom realizacije Škole u prirodi (predviđena Godišnjim programom rada škole)
 - pribavljanje pismene saglasnosti roditelja kojom se prihvataju opći uslovi putovanja, program putovanja i daje saglasnost za učešće učenika u realizaciju Škole u prirodi
 - plansko upoznavanje učenika i roditelja s etičkim kodeksom (društveno prihvatljiva pravila ponašanja), na časovima odjeljske zajednice, odnosno na roditeljskim sastancima
 - upoznavanje učenika sa pravilima sigurnosti i zaštite od socijalno neprihvatljivih oblika ponašanja, diskriminacije, neprijateljstva i svih oblika nasilja sa posebnim osvrtom na vršnjačko nasilje
 - preduzimanje zaštitnih mjera od odlaska učesnika Škole u prirodi na neprikladna mjesta i druge mjere u skladu sa članom 60., stav 2.

i) FINANSIJSKI OKVIR

- Cijena realizacije Škole u prirodi je određena od strane Ministarstva za odgoj i obrazovanje Kantona Sarajevo i iznosi do 230 KM po učeniku (sa svim planiranim sadržajima predviđenim programom)

j) TEHNIČKA ORGANIZACIJA

- Tehnička priprema podrazumijeva radnje oko organizacije i realizacije, a naročito:
- donošenje odluke o vrsti postupka koji će se provoditi za odabir najpovoljnije ponude, shodno Zakonu o javnim nabavkama
- formiranje Komisije i provođenje procedure odabira agencije koja će pružiti tehničku podršku pri realizaciji Škole u prirodi
- usaglašavanje Izvedbenog plana i programa sa cijenama Agencije
- program putovanja, te uopće uslove putovanja,
- konsultacije s ciljem potpune uključenosti i obavještenosti roditelja o svim ponuđenim sadržajima, posebno u smislu izbora mjesta realizacije i kompletnog aranžmana
- prikupljanje podataka o organizaciji, kategorijama, i uslovima smještaja, vrsti i kvalitetu vozila za prijevoz učenika,
- ažuriranje pisane dokumentacije koja obuhvata sve pojedinačne akte nastale u postupku obavještanja roditelja, te pisane saglasnosti roditelja kojim se prihvataju opći uslovi putovanja, program putovanja i daje saglasnost za učešće učenika, te druge aktivnosti u skladu sa članom 58. Pravilnika.

k) NAČIN FINANSIRANJA

- Ministarstvo za odgoj i obrazovanje je obezbjedilo sredstva u budžetu škole za finansiranje učešća svih učenika IV razreda, koja podrazumijevaju sve troškove neophodne za učešće u realizaciji Škole u prirodi. Roditelji učenika eventualno snose troškove koji podrazumijevaju naknadu štete prouzrokovane nemarnim ponašanjem učenika
- Sredstva za realizaciju Škole u prirodi će uplatiti škola nakon dostavljanja kompletnw dokumentacije od strane agencije i usvajanja izvještaja neposredno na račun agencije.

Sarajevo, 13.04.2026. godine